

Broj: 616-01/2019.
Sarajevo, 28.02.2019.

Na temelju člana 69. stav (2) tačka (d) i člana 70. stav (1), (4) i (5) Zakona o javnim nabavkama („Službeni glasnik BiH“, broj: 39/14), na Preporuku Komisije za javnu nabavku broj: 615-01/2019. od dana 28.02.2019. godine, u postupku javne nabavke usluga dostavljanja pripremljene hrane (catering) u JU OŠ "Mehmedalija Mak Dizdar" Sarajevo, direktorica JU OŠ "Mehmedalija Mak Dizdar" Sarajevo donosi

O D L U K U
o poništenju postupka javne nabavke

Član 1.

Poništava se postupak javne nabavke usluga dostavljanja pripremljene hrane (catering) u JU OŠ "Mehmedalija Mak Dizdar" Sarajevo, broj:426-01/2019, putem konkurentskog postupka zbog nedostataka u priloženoj dokumentaciji oba ponuđača u svrhu dokazivanja tehničke i profesionalne sposobnosti ponuđača i to ponuđača:

- „ECOVISION“ d.o.o. Sarajevo
- „MBA CENTAR“ d.o.o. Sarajevo

Član 2.

Ova Odluka objavit će se na web-stranici škole, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke usluga dostavljanja pripremljene hrane (catering) u JU OŠ "Mehmedalija Mak Dizdar" Sarajevo, pokrenut je Odlukom o pokretanju postupka javne nabavke broj: 425-01/2019. od 23.01.2019. godine.

Javna nabavka je provedena putem Konkurentskog postupka za dostavu ponuda. Procjenjena vrijednost javne nabavke je 35.000 KM bez PDV-a.

Obavijest o nabavci broj:1186-7-2-30-3-1/19. poslata na objavu dana 30.01.2019. godine, a objavljena na Portalu javnih nabavki dana 30.01.2019. godine u 11:30 sati.

Tendersku dokumentaciju su sa Portala javnih nabavki preuzeli:

- „ECOVISION“ d.o.o. Sarajevo
- „MBA CENTAR“ d.o.o. Sarajevo

Komisija za javne nabavke imenovana je Odlukom Školskog odbora, broj: 2198-01/2018. od 19.12.2018. godine.

Komisija za javnu nabavku dostavila je dana 28.02.2019. godine, direktorici JU OŠ „Mehmedalija Mak Dizdar“ Sarajevo, Zapisnik o ocjeni ponuda broj: 614-01/2019. od 28.02.2019. i Preporuku o poništenju postupka javne nabavke broj:615-01/2019. od 28.02.2019.godine, u postupku javne nabavke usluga dostavljanja pripremljene hrane (catering), broj: 426-01/2019.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- Ukupan broj pristiglih ponuda:2
- Blagovremeno su zaprimljene: 2 ponude
- Neblagovremeno zaprimljeno: 0 ponuda

Na osnovu gore navedenog Zapisnika o ocjeni ponude i preporuke komisije za javne nabavke, direktorica škole je donijela Odluku o poništenju postupka javne nabavke zbog nedostataka u priloženoj dokumentaciji oba ponuđača u svrhu dokazivanja tehničke i profesionalne sposobnosti ponuđača.

1. Uvidom u ponudu ponuđača „ECOVISION“ d.o.o. Sarajevo, Binježevo 67, Hadžići, Komisija je konstatovala da ponuda navedenog ponuđača ima nedostatke u smislu priloženih dokaza o ispunjavanju uslova iz Tenderske dokumentacije po javnoj nabavci broj: 426-01/2019.

U dijelu Tenderske dokumentacije koji se odnosi na dokazivanje tehničke i profesionalne sposobnosti, tačka 3.11. gdje je ponuđač bio dužan dokazati između ostalog:

pod tačkom a) „Ugovor ili listu izvršenih ugovora ponuđača koji su realizovani u protekloj kalendarskoj godini sa nazivom i sjedištem ugovornih organa ili privrednih subjekata, predmetom ugovora, vrijednostima, vremenu i mjestu izvršenja kao dokaz da je dobavljač uspješno izvršio ugovore koji su u vezi sa predmetnom nabavkom i to najmanje zbirno 35.000 KM bez PDV-a”.

Uvidom u ponudu ponuđača „ECOVISION“ d.o.o. Sarajevo, utvrđeno je da je navedeni ponuđač dostavio listu izvršenih ugovora u kojoj je navedeno u dijelu tabele „vrijeme i mjesto izvršenja ugovora“ samo vrijeme potpisivanja ugovora, a nije naveo vrijeme izvršenja ugovora. Ponuđač je dostavio zaključene Okvirne sporazume sa JU „Kantonalna javna ustanova Dom za djecu bez roditeljskog staranja“ Sarajevo, JU Druga gimnazija Sarajevo, JU „Druga osnovna škola“ Ilidža, JU OŠ „Grbavica II“ Sarajevo, od kojih se samo jedan okvirni sporazum odnosi na predmet nabavke, a ni iz jednog okvirnog sporazuma se ne može utvrditi da li je došlo do realizacije okvirnih sporazuma.

pod tačkom b) „Dokaz da ponuđač posjeduje HACCAP sertifikat, ISO 22000 i ISO 9001“

Uvidom u ponudu ponuđača „ECOVISION“ d.o.o. Sarajevo, utvrđeno je da je u svrhu dokazivanja tehničke i profesionalne sposobnosti, ponuđač priložio :

- Cetifikat HACCAP za proizvodnju i prodaju pekarskih proizvoda i sendviča, od 02.10.2018. godine
- Certifikat ISO 22000 za proizvodnju, prodaju i distribuciju pekarskih proizvoda (hljeba, peciva, lisnatih peciva, finih peciva, sendviča i kolača), od 01.11.2017. godine
- Certifikat ISO 9001 za proizvodnju, prodaju i distribuciju pekarskih proizvoda (hljeba, peciva, lisnatih peciva, finih peciva, sendviča i kolača) od 20.11.2016. godine

Komisija je konstatovala da se navedeni certifikati kojim se trebalo potvrditi da zadovoljavaju određene standarde osiguranja kvaliteta, ne odnose na predmet nabavke po tenderskoj dokumentaciji.

Dostavljeni certifikati se odnose na asortiman pekarskih proizvoda i sendviča, a ne na asortiman proizvoda koji se odnose na kuhana jela, a koja su navedena u dnevnom meniju tenderske dokumentacije (supe, đuveč, grah, kupus, gulaš...).

Iz navedenog Komisija konstatuje da s obzirom da ponuđač „ECOVISION“ d.o.o. Sarajevo, nije ponudio adekvatne dokaze o tehničkoj i profesionalnoj sposobnosti, ponuda se odbija kao neprihvatljiva zbog nedostataka u priloženoj dokumentaciji.

2. Uvidom u ponudu ponuđača „MBA CENTAR“ d.o.o. Sarajevo, sa sjedištem u ulici Hasana Merdžanovića 3, Vogošća, komisija je konstatovala da sadrži određene nedostatke u smislu priloženih dokaza o ispunjavanju uslova iz Tenderske dokumentacije po javnoj nabavci broj: 426-01/2019. godine.

1. U djelu Tenderske dokumentacije koji se odnosi na dokazivanje tehničke i profesionalne sposobnosti, tačka 3.11. gdje je ponuđač bio dužan dokazati između ostalog:

pod tačkom b) „Dokaz da ponuđač posjeduje HACCAP certifikat, ISO 22000 i ISO 9001“

Uvidom u ponudu ponuđača „MBA Centar“ d.o.o. Sarajevo, utvrđeno je, da je u svrhu dokazivanja tehničke i profesionalne sposobnosti, ponuđač priložio:

-Certifikat HACCAP za proizvodnju pekarskih proizvoda i pita od 19.07.2018. godine

-Certifikat ISO 9001 i ISO 22000 za proizvodnju pekarskih proizvoda i pita od 19.07.2018. godine.

Komisija je konstatovala da se navedeni certifikati kojim se trebalo potvrditi da zadovoljavaju određene standarde osiguranja kvaliteta, ne odnose na predmet nabavke po tenderskoj dokumentaciji.

Dostavljeni certifikati se odnose na asortiman pekarskih proizvoda i pita, a ne na asortiman proizvoda koji se odnose na kuhana jela, a koja su navedena u dnevnom meniju tenderske dokumentacije (supe, đuveč, grah, kupus, gulaš...).

Iz navedenog Komisija konstatuje da s obzirom da ponuđač „MBA CENTAR“ d.o.o. Sarajevo, nije ponudio adekvatne dokaze o tehničkoj i profesionalnoj sposobnosti, ponuda se odbija kao neprihvatljiva zbog nedostataka u priloženoj dokumentaciji.

Nadalje, u postupku ocjene provedenog postupka, utvrđeno je da je Komisija u svemu pravilno postupila te je Preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da zaprimljene ponude ponuđača imaju nedostataka u priloženoj dokumentaciji u svrhu dokazivanja tehničke i profesionalne sposobnosti ponuđača, čime su se stekli zakonski uslovi za poništenje postupka javne nabavke.


Iz navedenih razloga primjenom člana 69. Stav (2) tačke d). Zakona o javnim nabavkama, odlučeno je kao u članu 1. ove Odluke.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Dostaviti:

- Ponuđačima x 2

- a/a



DIREKTORICA

Mr. sc. Nukić Samira